

國朝耆獻類徵初編卷二百六十五目錄

將帥五

鄂齊爾桑

阿伯通

阿濟格尼

柯汝極

子永藁
從子永盛

瑪沁

兄子康喀喇

李懋珠

布延

張大猷

永順

阿濟拜

綽拜

瑚什布

武賴

瓦爾喀珠瑪喇

弟伊瑪喇

景固勒岱

從弟崇阿

布丹

剛阿泰

弟巴顏

明安

子昂洪

多爾濟

劉仲錦

喀山

子納海

國朝耆獻類徵初編卷二百六十五

通奉大夫前署江西巡撫江西布政使司布政使湘陰李桓
將帥五

鄂齊爾桑

鄂齊爾桑姓博爾濟吉特氏扎魯特部長巴克之子也 太祖高
皇帝天命六年巴克爲我師所擒鄂齊爾桑來請爲質釋其父還
上許之八年巴克來朝 上遣鄂齊爾桑與俱還 太宗文皇帝
卽位以扎魯特諸部背約附明 命大貝勒代善統師征之斬倡
叛者擒巴克及其族拉什希布等並以鄂齊爾桑至皆隸滿洲鑲
黃旗 賜衣服器用有差授鄂齊爾桑爲佐領尋從征董夔有斬

獲天聰三年從上征明遇薊州步兵同額駙揚古利率先破敵
五年圍大凌河城擊敗明錦州援兵八年敘功授三等輕車都尉
世職是年八月從上征明大同上命前鋒統領圖魯什參領
吳拜分率左右軍而以額駙多爾濟與鄂齊爾桑並領中軍擊明
總兵曹文詔大敗其眾追至城下獲馬百崇德二年同都統都類
參領和託皆以出獵誤射他人馬繫兵部鄂齊爾桑先至與諸繫
者共居一室參政穆爾泰以時方溽暑令都類獨畱室中徙眾於
庭下以避之鄂齊爾桑亦徙出自設布帳以處穆爾泰復令撤去
爲和託更設鄂齊爾桑坐炎日中良久往告啟心郎穆成格穆成
格不言理事官鄂穆克圖曰爾徒自怨乎抑欲陳奏乎如徒自怨

則已果欲入奏我等代陳之鄂齊爾桑曰縲絏之囚何敢復有陳
奏耶事遂寢及鄂齊爾桑釋繫自奏 聞穆爾泰穆成格皆坐罷
任鄂齊爾桑擢內大臣六月從征松山明兵夜犯 御營侍衛坤
等擊卻之諸大臣未及禦敵者皆議罰 上念鄂齊爾桑自外藩
來歸著有勞績 特予免議順治二年正月子喇瑪思尙公主
封固倫額駙二月 世祖章皇帝以鄂齊爾桑素荷 太祖眷顧
晉爵三等男五年卒子楚祿襲

右 國史館本傳

陳伯通

公諱伯通字魁吾世爲二韓望族起家署章京 太宗朝升佐領
屢從征伐如攻朝鮮服蒙古克錦州下松山拔大凌河此 國家
開拓疆土戡定中原時也諸將士有事茲役者功輒稱最而公身
在行間所至著績視諸將士功獨多迄 世祖章皇帝入關建鼎
窮追逋寇公復從王師長驅逐北大破賊於潼關關中既定旋拜
西安畱守未幾孟公喬方持節督秦時河西五鎮初下計非得素
有威望負文武大略者曷重兵鎮之不可雅意屬公卽拜疏請授
公甘肅總戎已得 命矢會江西有叛將之變羽檄乞援甚急公
奉調馳往竟未赴甘比至江右叛賊金聲桓業連陷數郡逆燄方

熾公與諸路兵協力會剿未數月賊平振旅還京師一時論大將
制勝克敵才者咸交口推轂公不日將再秉旄鉞以出而公自念
束髮從戎披堅執銳者二十餘年戰必克攻必勝蓋君之靈社
稷之福也今老矣且善疾不能復任金革遂引年乞休閱再歲以
病卒年幾十有幾嗚呼古稱勇將易儒將難才將易仁將難以余
聞公精騎射武略絕人顧嗜書史在軍中手不釋卷秉燭吟覽常
至丙夜時擬之杜征南又性仁慈凡有俘獲輒矜釋之曰此一
誤羅賊網耳縱之令自新皆朝廷赤子也所俘眾感泣叩首而去
公以百戰成大功而其在軍不冒妄殺一人如此夫不妄殺人者
必有後今公之子孫先後躋貴顯繩繩繼繼益大公之衆聲不可

謂非天道也子六人長養忠京口固山大能紹公志讀書明大義
折節與人交人咸德之次某次某孫長嘉善佐領次嘉猷太常寺
少卿次某內閣撰文中書舍人亦以文學稱俱養忠出公墓在某
鄉某原奉常將立碑墓道以垂示不朽而乞文於余余不能悉公
行事爲述其梗槩以見公之積善餘慶而陳氏之福蓋未有艾云

右墓碑張玉書撰

按金聲桓平在
順治六年正月

詩集卷之五
金寶訓平五

口毒發其妹藥以良公之辭善繪畫而刺凡之獻盛未育艾云
其某早常執立無惡狀以筆示不許而之其某亦不為惡公
之願其某內閣婦夫中書舍人夜以文學歸婦善忠出公某其
其贈與人交人無辭之其某其某其某其某其某其某其某其
其非天談出千六人其善忠京口國山大雅孫公志願書即大義

阿濟格尼堪

阿濟格尼堪滿洲正白旗人姓他塔喇氏天聰八年襲父達音布三等輕車都尉世職任參領從太宗文皇帝征察哈爾由大同入明邊與護軍統領雅賴擊敗明兵於崞縣師還復同參領阿爾津至山海關值敵多斬獲崇德元年從上征朝鮮遇明甯遠守邊兵擊敗之三年隨貝勒岳託征明過北京破總兵侯世祿軍追斬其護印者獲其印與馬四年擢護軍統領隨肅親王豪格攻錦州設伏於連山擒五人獲馬七六年鄭親王濟爾哈朗統兵圍錦州阿濟格尼堪以七十人設伏敗敵眾進攻杏山領纛直入敵營敵大潰時錦州城中蒙古諾木齊等願投誠爲明總兵祖大壽所

國朝書牘卷之九
覺以兵圍之未得出阿濟格尼堪偵知之乘夜薄城力戰率兵先
登克其郭援諾木齊等以歸旋擊松山兵兩戰皆捷 上以阿濟
格尼堪年少能奮勇殺敵 賚白金四百兩晉一等輕車都尉是
年八月明總督洪承疇集諸鎮兵援錦州 上親統大軍駐營松
杏兩山之間截其糧道明總兵吳三桂唐通等潛遁 上召阿濟
格尼堪 親授方略與護軍統領鼐拜等追擊大破之八年八月
奉 命駐防錦州九月鄭親王攻取中後所前屯衛阿濟格尼堪
率所部及蒙古兵攻中前所明總兵黃色遁拔其城復進捕城中
逸出者皆就獲敘功加一雲騎尉 世祖章皇帝順治元年四月
睿親王多爾袞統兵入山海關擊流賊李自成阿濟格尼堪率護

軍破賊追至望都敘功晉一等男十月隨豫親王多鐸追剿自成
取道河南渡孟津薄潼關賊鑿重壕以阻我軍賊將劉方亮糾眾
千餘來犯阿濟格尼堪同護軍統領圖賴阿爾津等奮戰賊挫衄
乘夜侵正白旗護軍驍騎營復擊卻之連破賊二營領兵踰壕塹
躬冒矢石先登城賊眾驚潰或竄或降大兵俱入關二年正月進
征西安自成由商州竄湖廣豫親王奉 詔征江南四月至淮安
遣阿濟格尼堪率護軍趨揚州列營城北合親軍攻克其城獲戰
艦二百餘渡江至江甯追擊明福王朱由崧於蕪湖敗其舟師捷
聞晉爵三等子三年隨端重親王博洛定浙閩攻克金華衢州破
仙霞關下建甯延平明唐王朱聿鍵遁走汀州阿濟格尼堪同護

軍統領都爾德追擊至城下率精銳先登擒斬聿鍵其總兵姜正
希糾眾二萬赴援阿濟格尼堪指揮將士擊之斬殺過半明年凱
旋晉爵一等子 賜勅予世襲勿替五年授正白旗滿洲都統六
年隨鄭親王征湖廣列參贊大臣是時明桂王朱由榔遣其督師
何騰蛟總兵王進才馬進忠等據湖南郡邑阿濟格尼堪至長沙
與兵部尙書阿哈尼堪領將士先驅次湘潭遇迎戰者輒擊敗之
破北門入騰蛟就擒追勦潰眾於湘鄉盡殲之遂趨寶慶距城七
十里進才進忠糾眾抗拒我軍分步騎更番進戰直薄城東門進
才等潛遁追勦之於沅州靖州進定全州七年正月班師 賜白
金五百兩晉爵三等伯列議政大臣四月卒 予祭葬如典禮諡

勇敏子宜理布襲別有傳

右 國史館本傳

吳越子宜野市雙眼詩對

古 國史館本朝